

寒松堂詩集
一



寒
松
堂
詩
集

一

魏象樞 著

中
華
書
局

寒松堂詩集

此據畿輔叢書本
排印初編各叢書
僅有此本

寒松堂詩集卷一

蔚州魏象樞著

詩 自甲申至己亥

甲申闖賊陷甯武關。周總兵戰死。公諱遇吉。遼東錦州衛人。賊至大戰城下死之。城陷其妻某氏督婦女巷戰矢盡亦死。

大呼高帝出城闔。三百年來此一身。帳下投醪多戰士。軍前拔幟是孤臣。裹尸不愧真男子。擐甲曾聞有婦人。若使將軍猶未死。替芒那敢近中宸。三月初三日作。

甲申闖寇陷兩鎮。宣鎮朱撫軍。雲鎮衛撫軍。朱兵憲死之用前韻。朱公諱之馮。順天人。投縶城樓死。衛人。罵賊絕食死。朱公諱家仕。陝西人。投井死。

高懸節鉞鎖重關。就義從容報國身。關塞千金收死士。京華一臂失儒臣。正當首鼠行蛇日。不愧攀龍附鳳人。三老忠魂稱鼎足。好將生氣護楓宸。三月初九日作。

甲申闖寇陷宣雲。李生若葵。姚生時中死之。李。大同人。闖家自焚。題其門曰。一門全節。姚。宣府人。投縶明倫堂。遺詩有報國無權。偷生不義等句。

二城三烈相傳久。雲撫衛公。巡道。朱公。宣撫朱公。更有書生義並聞。泮上衣冠懸白日。樓頭婦子泣黃雲。嚴疆謾託專征將。大事空餘報國文。十夕鼎湖龍已去。不堪揮淚向山君。時余避居天景山。

理釣無魚次江桂庵先生韻

密柳層隄抱水濱。湖亭小小挂漁巾。團沙結網鷗爲侶。夾岸提壺草作茵。瑣夢九秋空入釣。鯉翁千歲欲驚人。半竿明月珊瑚冷。贏得金鈎照玉鱗。

夜雨次桂庵先生韻

如臥滄江上。千濤一葉支。雨迴山氣黑。風割鴈聲遲。易宅心猶悔。時余方卜居翻書念已癡。邊秋淹滯客。蝶夢

更依誰。桂庵先生僑寓蔚州。

中秋夜飲北樓次桂庵先生韻

百尺飛樓上。偏宜此夜觴。素心兼似水。邊月況無霜。座影浮天白。山容貼鬢蒼。分來華渚液。清夢溼衣裳。

秋夜桂庵先生招同凌十齋許鷗淵飲文昌閣分得穉字

虛閣嶙峋敞不齊。雲光山色晚同躋。霜殘夜動黃華杪。露冷秋飛白鴈低。入座千觥慙整鼠。憑高萬岫小倉稊。天門未許煙霞客。樓半空燒太乙藜。閣內祀奎星。樓絕頂額曰天門。

漢金波泉流觴限淙字。桂庵先生。凌十齋。許鷗淵。張徵升伯仲。園水泛杯。風作忽逆流。

王氣千年寄一淙。於今猶見舊提封。香分柞葉離宮派。雪老金波代國龍。漢文帝封此。曲澗荒邱埋古瓦。孤邨寒樹背高墉。幾回載酒還登眺。落日秋飛掩暮鐘。

甲申除夕集桂庵先生齋守歲次韻

數百年來日無如此夕長。興衰千古促。人物半宵忙。下士身空壯。餘生醉可鄉。數聲新爆竹。驚引斷孤腸。

遊煖泉值凌十齋初度

十齋。東舉人。

離亂家何有。南歸不可輕。雲收山氣老。石辨水痕清。傲骨潛龍護。狂吟俠客驚。十年悲瓠落。萬里學無生。

再過彈琴峽

墩轉峰殷斷復連。驅車猶識舊山川。雲迷雉堞孤村遠。翠擁丹崖小閣偏。石第尙留千澗月。冰琴忽冷萬峰煙。三年兩過悲歌地。野水桃花處處鮮。

南口登上方寺

折水通幽逕。蘿煙曲曲封。輕彈遊子劍。直叩大夫松。鶴自當巖識。僧緣出澗逢。吾情耽半壑。不上最高峰。

自嘲

萬事吾何有。孤吟日日勞。才疏青玉案。夢結白雲曹。未識張華佩。空埋仲蔚蒿。半生狂病骨。多是爲秋招。

初入翰林言志

森然古瀛洲。璇室崇欽弈。鼎運闢八紘。濟濟攬英碩。師資帝者尊。鳳虬聯几席。我交海內賁。蘭畹忻相藉。夜半燒藜火。從容翻秘籍。上溯羲與軒。而及濂洛澤。雅志恥雕蟲。至人學有獲。微猷跂上哲。懷邦軫蒼赤。

慷慨天人間。區區匪所畫。骨格本嶙峋。至性況深積。葵藿弗敢違。圭璧永無斲。黽勉跋道源。願洗天根石。

中秋出師

一夜霜飛萬里晴。爭看節鉞向邊城。銀蟾淨度旋頭影。玉杵高懸笳裏聲。氣捲天河方洗甲。風吹鐵馬欲吞鯨。霓裳曲罷鏡音息。獨有清光照漢營。

冬日早朝

華鐘隱隱列千官。仙樂霏微劍珮珊。煙霧御爐迷鳳闕。氣涵丹陛肅貂冠。虬龍旭照東華日。燕雀風高玉仗寒。慚附詞臣趨拜後。太和惟願五雲端。

憶母旋里

避海歸宜蚤。淹留失母心。恐兒牽病骨。頻許寄書音。計日桃花近。地名吾家荳雨深。老母喜種梅荳臨行還誠囑。詩句莫長吟。

送同年喬白山檢討省親歸里二首

劍上宮霞縷。樽前御柳圍。故國溪山有約。上林風雨誰依。老人暫輟藜杖。遊子輕攜綵衣。奚囊竹硯文石。不卜同歸未歸。

自愧

自愧一侗侗。峻嶒世法中。途寬天地小。才盡鬼神工。七患防何益。三餘用不窮。古今藏拙地。惟有嘔噉翁。
送桑笈雲侍御謫杭州

此去西湖是楚湘。行蹤汎汎水茫茫。孤臣掩淚身將隱。倦客臨官病亦狂。泊到漁村休問渡。吹來詩雨覆
驚霜。獨憐一片燕山月。不照家園稻秫香。

依韻答楊沁涓掌科兼送歸里

丹心白馬舊朝陽。家世河汾傲雪霜。抗牘爭誇羊祜草。憂時屢獻越人方。何堪去國因封事。竟以投湘失
鴈行。回首長安天咫尺。聖明原自鑒愚狂。

夜雨懷同學諸子

必自西峰出。勞勞一夜餘。淡吹榴院小。險入竹牀虛。難續江郎夢。纔寬鄴架書。伊人風雨下。不忍對蕭疏。
依韻答韓在中同年

鴛湖淼淼一舟輕。愁劇燕山月滿城。得句不刪池草夢。懷人合憶剡雲情。榜發後。同寓天慶寺甚久。浙中海草仍多事。
天下刑官只一平。聞道鬚眉堅似鐵。邇來贏得雪爲莖。

送聶天一同年歸蔚州

又得相逢易水濱。上林霜色滿寒筠。艱危細說官三載。磊落剛消病一身。檻外朱雲心自失。橋邊司馬氣

難馴。壺流處處清堪挹。應念當年釣雪人。

訪畢亮四同年

門前如太古。客到始開關。猛覺煙霜近。猶非竺石間。奇文開奧窔。道氣豁堅頑。此夜無秋夢。應從晤後刪。

弔馮二瑞同年二首

許君身是漢留侯。生死功名未白頭。淚灑人琴無處弔。暮雲深鎖鴈門秋。蕭然北上忽南州。白露尊前話未休。何事卅江歸棹晚。一庭明月冷吳鉤。

贈張綠雪同垣

三尺長髯七尺軀。前身應許是張酺。譚鋒乍接偏驚座。道氣中藏漫擊壺。當世未酬青瑣夢。斯人何幸皂囊孤。撐持今古吾徒事。浪說仙班有大儒。

祝楊半玉同垣

雞舌含香鳳羽孤。宮霞弈弈繞紅繡。時逢拜手颺言日。志在匡王弔帝圖。紫掖雲深趨白馬。青門日近咏丹蒲。祝君惟有千秋事。天下蒼生賴壯夫。

劉公愚同年招飲水亭。同九敘。半玉仙友。石生。右君。爾執。念蕙。

客夢高寒醉不償。每過先問水亭涼。談杯未冷三分笑。刻燭難消一段狂。積雨易深秋似水。中宵宜靜月

如霜欲歸還訂聯牀約。不是林泉不敢商。

過居庸關大風

鐵障重樓外。山城一界分。狂沙飛落照。埜水抱孤雲。瘦怯冰橋馬。慵題石峽文。出關身已瘁。捧日頌吾君。

雞鳴驛望桑乾

驅馬陂陀古驛。舉杯搖落山城。壯士關門競渡。勞人塞北孤征。乍看老柳春色。愁聽寒雞夜鳴。桑洲泛一槎去。省得浮沈半生。

晚行過白登

泛泛征車暮。搖搖北鴈過。沙吹邊草急。樓鎖戍雲多。好夢歸楊柳。鄉心隱薜蘿。千年遺漢蹟。一夜轉悲歌。

過大同廢城

殺氣孤城黯。頽牆血濺紋。黃沙三月草。白骨萬家墳。劫後繁音歇。愁來野哭聞。車前逢故老。罵賊尙紛紛。

過原平驛讀吳橫溪先生壁間詩愴然有和

先生詩酒自放。疏略世情。樞實利其家實不得。誣成大獄。事雪。先生亦含憤歿。士大夫惜之。

孤城角動暮砧闌。壁上遺書墨未乾。血到夜看情自熱。劍於秋望氣爭寒。誰云文在天將喪。不謂山頽夢也殘。一日沈冤千古恨。由來國士報恩難。

忻口遇大風

慣習邊塵路。今朝的未經。昏雲穿渡口。烈石走山亭。豈憚王程急。終嫌夜火青。簡書愁病裏。贏得鬢星星。

剝榆歌

黃沙日暮榆關路。煙火盡絕泥塞戶。路傍老翁攜穉兒。手持短鐵剝榆樹。我問剝榆何所爲。老翁倚馬哽咽悲。去歲死蝗前死寇。數十邨落無子遺。蒼蒼不恤儂衰老。獨留餘生伴荒草。三日兩日乏再饘。不剝榆皮那能飽。榆皮療我饑。那惜榆無衣。我腹縱不果。甯教我兒肥。嗟乎此榆贍我父若子。日食其皮皮有幾。今朝有榆且剝榆。榆盡同來樹下死。老翁說罷我心摧。回視君門真萬里。

鴈門關述所見

邊氣春猶勁。關門草未生。荒陂存漢廟。古寨繫羊城。逕曲隨人轉。山高覺馬輕。九龍亭上字。石斷戍雲橫。

介休訪三賢故蹟

草黯林宗墓。花飛介氏田。也知詢故老。那敢拜高賢。古樹峰煙合。殘碑石雨澣。蒼英千載後。誰續潞公篇。

宿靈石縣

環邑皆山。地疲土瘠。居民僅百餘戶。詩以愛之。

斗大居衝要。何人撫字勞。炊煙時斷續。城市亦蕭騷。水近天無夏。山深地不毛。笛聲吹暮雨。一夜旅魂消。

韓信嶺

鄧留終亦死。甯曰假王辜。進食恩難報。通弑事果誣。一邱今自古。百戰有還無。爲灑孤忠淚。山頭草不枯。

望嶠山

壬午秋，同盛俊侯年兄，約入嶠，甫渡汾，遂不果。訪漁者村中，捕得大鯉作贈，飲至夜乃歸。

見山如見友，相對忽開顏。竟以神情合，偏教杖屨閒。十年驚戰伐，幾度怯登攀。記得漁邨路，維舟又一灣。

易州懷古

易水東流淚欲波，當年七首暗消磨。城邊尚鎖荆卿憾，老樹啼烏向北多。

至蔚有感

冉冉征雲片，孤停驂。聊問季鷹鱸，狂名盡改當年舊。諫草全焚一字無，病後妻孥翻易擲。亂餘城市總堪圖，何時乞得青山許。任卻煙霞老壯夫。時捧詔事竣，抱病將北上復命。

癸巳元旦賜宴恭紀有序

是日朝賀，大宴羣臣畢。上特召內三院輔臣、學士及部院寺卿、國子監祭酒、六科都給事中、各掌道御史三十四人，賜宴於保和殿。臣象樞長吏垣，得與盛事。上問年問籍，問某科成進士，飲餽皆出大內，陪觀諸國所進舞樂雜劇，瞻仰天顏，喜溢交泰。賦詩紀之。

合殿初收萬國琛，紫微垣內接綸音。風高九譯當筵布，雲擁三台傍闕深。蒲柳氣涵君子日，瞽工情愜聖人心。侍中經席誰堪遜，濫竊銀幡不敢簪。

送王蓼航太史歸養

同年以終養請者，自蓼航始。

拾取煙雲半箇輕。嵩巖卜築豈逃名。十年浪送之官友。一輩初言侍母情。未許參軍忘舊舍。已同司業愛諸生。君歸尚有天涯子。不是離羣淚亦傾。

八月二十八日讀儀郎孔心一奏疏紀之

時余以奏事字有誤檢舉候部議

左掖回天愧不如。離宮敕下午門初。孤臣待佩承恩袂。素裔爭還議禮書。覆過曹參元宿望。拾遺汲黯肯阿譽。人豪莫惜當廷少。穩載郎官六尺輿。

申臆盟見訪

芥堂高臥眼如冰。百尺樓頭客再登。權掃舊門君有謂。欲留高士我何憑。興言藥餌忘句漏。臆盟授余許可異方詩人折右丞。一輩論交誰面熟。竹筒好寄白雲僧。

憶山屋舊日讀書於此

古寺連書屋。登臨接梵臺。人歸多見月。客入始銜杯。樹黑雕飛過。峰高鹿下來。不知雲去後。幾處又花開。

十懶齋自題

歲食井州米。神皋卻是家。世情疏弔賀。吾道隔煙霞。謾綴烏絲簡。空招白雪髭。玦環都有命。蕭散任天涯。

可亭陳公朗同年題額志謝

客從亭子上。偶爾命名時。一字行藏錄。千秋道德師。簷孤分月小。竹瘦得煙遲。欲待中郎至。清宵共笛吹。

七夕周芭穀成我存孫壽周集可亭我存有詩用韻答之四首

愛此亭陰下相將有鶴羣雅追河朔宴騷壓北山文不問三湘月詔來病不至難收五嶽雲剖瓜渾浪說肯逐俗紛紛

夢紅三尺許那辨綠莓初似水堪迴櫂無山更卜居白雲封鏡石黃竹繫籃輿不羨袁居士牀頭讀異書入秋方輟雨昨夜復聞雷白下憂龍亢雲中數上聲鴈來得無碑已碎豈可硯成灰珠米饑長望真同止渴梅時憂旱家鄉送米未至

逢年無一技懶性自來殊顧影羞韓孟知名濶白蘇病中蝸角細雲外鴈行孤七尺雖無忝難酬育我劬

哭譚評事詔來八首名鳳嶺

竟奪斯人去天空老驥羣戶高曾治獄才盡合修文漢水淩坯土燕山落片雲中郎題墓日白石忌續紛不葬江魚腹羞同鷺鳥羣王喬棺有識賈誼誄無文破館留殘席空庭起凍雲楊前曾握手未覺念頭紛余語詔來曰心勿有家有以斯有家也心勿有官有官是無身也譚子唯唯

白日瀟瀟雨人兼鬼作羣探奇誰問字緘口莫談文夜聽秋猿哭晴看野鶴雲旅中家祭缺醉酒任紛紛放開無界限大塊亦人羣余嘗語詔來曰天在頭上心在腔子裏相去不甚遠耳蛙死珠含蕊麟生筆絕文詔來遺腹育男宦情餘薤露鄉夢等浮雲天間如終答蒼公日日紛

及門三子周苞穀成我存孫壽周痛哭說離羣。地撤康成座。天燒杜牧文。孤魂迷漢口。家譚素紉溼江雲。元伯多良

友。經營事不紛。曹厚庵經紀後事

一死終無憾。謀生已不羣。舉家誰就祿。退食只論文。姓字留黃榜。肝腸誌白雲。日昏長命燭。羞照紙錢紛。

朝看螻蟻穴。暮散鵲鴿羣。詔來有胞弟二人

漫寫辭家計。空傳得第文。珠璣連日月。鬼魅失風雲。入世多愁緒。於今

忽紛紛。羈魂漂異土。過鴈不歸羣。有墓封和靖。無山臥少文。塵埋三尺劍。哭斷一湖雲。誰說燕臺上。黃金似雪紛。

生日感賦八首癸巳

墮盡孤臣淚。年華剝復中。天勞風雨護。命敵鬼神攻。計日抽簪誤。宏景掛冠年三十六何人折節通。不才辜聖主。那

羨鹿皮翁。

竈得天山卦。投箸祝少微。頻年歸計左。市月謗書飛。氣化紛難定。風濤靜不違。老親多涕淚。更爲補朝衣。攬鏡如登嶽。蕭然萬壑孤。三秋毛骨立。一榻鹿麋呼。劍鏑天君子。樗根地腐儒。壯懷都折盡。穩欲戢桑弧。襖被吾家例。行行下澤過。客星雙鬢老。恆嶽一峰多。影對孤飛鴈。眉傷屢妒娥。虛名全不避。十載意如何。尺寸何曾報。經年受國恩。室家隨命置。封事與天論。夢乞東陵晚。心傾北斗尊。蹉跎餘病骨。忍淚向高關。辟穀非良術。鳴夷亦偶然。多情車馬上。獨覺夢魂邊。酒爲看兒舉。書因慰母傳。不辭婚宦拙。俠氣遯幽燕。

捏盡青山氣。吟成白鴈秋。形骸歸藥臼。姓字託書樓。自愛心如水。何妨命不侯。故人雲壑外。音信各悠悠。吾家歸未得。五嶽是誰家。歲月眞蕉鹿。文章亦畫蛇。官閒儘僕懶。舌在友朋嗟。祇合尊狂狷。休令兩鬢華。

祝馬玉筍三章。二章。章六句。一章。章四句。

瞻九畹兮。惟蘭與蕙。彼君子兮。高賢之裔。跂予望之。克承家世。問彼銓衡。僉曰克當。進之退之。以廉以讓。公齒壯矣。祝不在齒。匪德曷師。匪道曷履。厥志伊何。願祝以此。

古人交行。爲曹厚庵太史賦。

舉世交情薄如此。厚庵古道猶堪紀。平生至性擬醇醪。所貴道義及生死。而況濂洛學無私。紵衣縞帶誰復齒。伊友譚子曰。鳳禎長而同譜。幼同里。筮仕廷評。廉且仁。有鵬飛來竟不起。一衾一棺尙艱辛。素車白馬亟相視。含殮已周。問家人。側室育男。色愛喜。遺珠居然掌上。看可憐。蚌去珠無倚。路人匪無乳哺心。踰爾莫如室中婢。老嫗抱來始命名。名振宗仰天爲祝。譚家祀。至今晨夕風雨間。撫摩時向襁褓裏。巨卿有友合淡交。伯道無兒豈至理。君不見漢水湯湯自東流。北邙之下哭聲已。

送畢亮四同年分憲泰安

之官臨泰嶽。誰復嘆風塵。星照東藩路。襟分北斗人。宦情新襖被。王事古綸巾。惆悵燕山暮。雲龍未可親。

馬澧水參戎請告歸蔚州。復有西夏之遊。賦送二首。公先人及昆仲俱元戎。工草書善詩。

四世元戎府。將軍是故家。山川多戰蹟。兄弟老邊沙。劍鼻黃雲滿。旄頭白日斜。賀蘭知姓字。兒女問萱花。已愜登臨志。仍尋汗漫遊。馬遲星宿外。家在水煙頭。公別墅屬淡源。愛我情非宦。憐君命不侯。歸來同洛社。咏盡

碧山秋。

成子我存以詩見慰。依韻答之。

馬蹄催雨意駸駸。忽爾遲迴向客吟。身傍玉關仍露待。氣高銀漢復秋尋。鄉思謾託龜兼筮。世網全疏影及衾。賸有餘狂終不改。十年牽碎老人心。

病中魏石生同年惠俸米五斗。志謝四首。

讀書聲接鴈聲孤。日午開門一札呼。明說稻粱恩未絕。不因生事餉雕胡。舉家食粥分相安。敢向誰門乞大官。自署米鹽三四月。時內人歸侍老母。知君相贈是琅玕。半燒荷葉半研霜。出東垣十書。贏得脾家有太倉。卻病不須延辟穀。道人曾爲鶴舂糧。

稔知麟脯到門稀。花下留賓典葛衣。不是烏程渾不厭。肯教輕載一船歸。

范烈女輓詩二首。

烈女許聘易水田子遇倉。田未娶以病物。女亦服毒死。有海棠變白之異。

力挽天心一氣中。殉花血盡失殷紅。可憐地下從夫女。亦在蕭蕭易水東。